



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Ecclesiasticorum Vita, Moribus, Officiis Libri Tres

Schevichavius, Gisbertus

Mogvntiae, Anno M.DC.XXI.

Capvt XVIII. Divinitatis Participes sacerdotes.

urn:nbn:de:hbz:466:1-42349

CAPVT XVII.

SACERDOTES CHRISTO DOMI-
no suppare.

§. CLERICI ac potissimum Sacerdotes comparari possunt cum Christo Domino, qui & omnifariam potestatem à patre acceptam illis tradidit, ut ait S. Chrys. l. 3. de sacerdot. & Melchisedech sacerdos Dei altiss. Gen. 14. v. 19. Assimulatus est filio Dei. Heb. 7. v. 3. Vnde & Plal. 109. Tu es sacerdos in aeternum secundum ordinem Melchised. Quis, inquit, S. Cypr. epist. 63. ad Ceciliam, magis sacerdos Dei summi, quam Dominus noster Iesus Christus? qui sacrificium Deo patri obtulit, & obtulit hoc idem, quod Melchisedech obtulerat, id est, panem & vinum, suum scilicet corpus & sanguinem. Ioan. 20. v. 21. Sicut misit me pater, & ego mitto vos. Ea scilicet caritate, dignitate, autoritate, docendi, gubernandi, peccata condonandi, sacrificandi potestate.

§. S. Thom. 3. part. q. 22. art. 4. c. Sacerdos nouæ legis, ait, in persona Christi operatur, secundum illud, 2. Cor. 2. v. 10. Nā & ego quod donavi, si quid donavi propter vos in persona Christi. Et ad Gal. 4. v. 14. Sicut angelum Dei suscepistis me, sicut Christum Iesum.

CAPVT XVIII.

DIVINITATIS PARTICI-
pes sacerdotes.

§. CLERICI ac maxime sacerdotes sunt terrestres quidam dii. Innocent. 3. de Hæreticis c. cum ex iuncto. Dominus, inquit, in lege praecepit Exod. 22. v. 28. Diis non detrahes, sacerdotes intelligens, qui propter excellentiam & officii dignitatem deorum nomine nuncupantur. Nimirum quia vices Dei in terra obcunt, & munia Deo propria gerunt:

gerunt: nam solus Deus perficere potuit, vt nascere-
tur Deus ex homine, & Sacerdos facit vt Deus homo
nouo & recenti modo adsit in Eucharistia. Sanctus
Ambrosius lib. 1. de penitentia cap. 2. Munus Spiritus sancti est
officium sacerdotis; ius autem Spiritus sancti in soluendis, li-
gandisque criminibus est. Ioannis 20. 7. 23. Solus Deus po-
test remittere peccata, quā potestatem concessit sa-
cerdotibus. Deus, ait Dauid Psal. 81. v. 1. Stetit in synagoga
deorum, in medio autem deos diiudicat, id est, Deus supremus
iudex semper præsens assistit in iudicium conuentu, a
quo inuisibili maiestate præsente, dum populi causas
iudicant, & ipsi iudicantur: Et qui honoratiora iudi-
ces & dii, quam sacerdotes qui de spiritualibus, ecclē-
stibus, & sempiterna salute iudicium faciunt, senten-
tiamque dicunt?

§. Sunt & alia honorificentissima sacerdotum mū-
nia & cepithera, quæ eximiam illorū dignitatem mirifi-
cè commendant. Vt apud S. Prosperum lib. 2. de vita con-
templatiua cap. 2. Sacerdotibus propriè animarum curanda-
rum sollicitudo commissæ est, qui, pondus populi sibi commissi
viriliter sustinentes, pro peccatis omnium, velut pro suis, infa-
tigabiliter supplicant Deo. Qui velut quidam Aaron incen-
sum contriti cordis & humiliati spiritus offerentes, quo placat-
tur Deus, auertunt iram futura animaduersionis à populo:
qui per Dei gratiam sunt diuina voluntatis indices, Ecclesia-
rum Christi post Apostolos fundatores, fideles populi duces, ve-
ritatis assertores, prauæ doctrinæ hostes, omnibus bonis ama-
biles, & male sibi consciis etiam ipso visu terribiles, vindices
oppressorum, patres in fide Catholica regeneratorum, pradi-
catores cælestium, primi phalanges inuisibilium preliorum,
exempla bonorum operum, documenta virtutum, & forma
fidelium. Ipsi sunt Ecclesiæ decus, in quibus amplius fulget
Ecclesiæ ipsi columna firmissima, quibus in CHRISTO
Oppressorum liberatores. Spirituales patres. Exercitus Catholicus
Sanctissimæ exemplaria. Ecclesiæ ornamenta & columna.

Assiduissimi
pro plebe de-
precatores.

Diuina præ-
ceptionis in-
terpretes.

Ecclesiæ fun-
datores.

Christiano-
rum antesi-
gnani.

Veritatis pro-
pugnatores.

Falsitatis ex-
fundatis pugnatores.

Ante-
fignati.

Cæli officia. fundatis innititur omnis multitudo credentium : ipsi ianua ciuitatis æternæ, per omnes quos qui credunt in CHRISTVM, ingrediuntur ad CHRISTVM : ipsi ianitores, quibus clauis data sunt regni cælorum : ipsi etiam dispensatores Regiæ domus, quorum arbitrio in aula Regis æterni diuiduntur gradus & officia singulorum. Hi sunt, qui non ambiendo, sed spiritualiter viuendo sacerdotium meruerunt ; quique non fauoris humani suffragio, sed diuino munere sublimati, nihil sibi de prestantia sui principatus adplaudunt : quos non inflammant honor acceptus, sed exercet labor impositus : qui non excellentiam suam cogitant prouecti, sed sarcinam ; nec gloriantur de officij dignitate, sed sudant potius constituti sub onere. Tales diuina Scriptura speculatores appellat, qui speculantur actus omnium ; & qualiter vnusquisque cum suis in domo, qualiter in ciuitate cum ciuibz viuat, intentione religiosa curiositatis explorant. Quos bonos probauerint, honorando confirmant : quos deprehenderint vitiosos, arguentes emendant ; aut, si emendari noluerint, æquanimiter portant, habituri vberrimum fructum, aut de sua districtione, si correcti profecerint, aut de sua patientia, etiam si illi, quos sustinent, emendari noluerint. Et apud Sanctum Augustinum sermone trigesimo sexto, tomo decimo, ad Presbyteros, inter sermones ad Eremitas fratres.

Ab immun-
do quis mun-
dabitur Ec-
cles 34. v. 4. Charissimi, oportet manum mundam esse, quæ polluti vasis debet maculas purgare ; ne polluta deterius possit inquinare, cum sordida sordidum tractat. Propterea, Sacerdotes altissimi DEI, vobis dicitur : Mundamini, qui fertis vasa DOMINI. Vos enim estis, qui vasa DOMINI ferre debetis, quibus datum est nosse mysterium regni DEI. Vos estis sal terræ, lux mundi, lucerna accensa, ciuitas in monte posita, columna templi, lignum scientiæ in medio Paradysi posita, patroni, & rectores Ecclesiæ, Angelorum, & Paradysiciues, Prophetarum filij, Patriarcharum cognati, Apostolorum successores. Mundamini ergo, vt digne cum patribus

tribus positis ferre vasa DOMINI: vasa non solum aurea, & argentea, sed etiam illa, pro quibus redimendis mori DOMINVS dignatus est. Propterea attendat Charitas vestra, quales esse debetis, vt dignè vasa DOMINI portare possitis, ait enim Apostolus: Oportet Episcopum sine crimine esse, tanquam DEI dispensatorem, & cetera. Hac non solum ego Episcopus seruare debeo, sed & vos vna mecum Sacerdotes, DEO auxiliante, seruare debetis. Per omnia sine crimine, sicut Episcopum, ita iubet esse Presbyterum, id est, irreprehensibilem; vt non querat vxores, non diuitias, non honorem, & cetera. Et Diuus Gregorius Nazianzenus Epistola ad Episcopos. O Sacerdotes DEI, incruenta sacrificia mittentes! O illustres animarum custodes! O magni DEI figmentum in manibus vestris gestantes! O DEVM hominibus concilians! O mundi fundamenta, vita lumina, Christiana fidei columna, immortales vite Doctores, Christifidei.

§. Posset & Sacerdotium commendari à necessitate: quia vt ait Aristoteles libro sexto Politicorum. Oportet incivitate aliquos esse curam deorum habentes. Et Tullius libro primo, de natura deorum. Pietate, inquit, aduersus deos sublata, fides etiam & societas generis humani, & vna excellentissima virtus, iustitia tollatur necesse est.

§. Et ab antiquitate laudari posset, quod ab exordio mundi fuerint, vt Abel sacrificauit, Genesis quarto, versiculo quarto. Eius filius Seth cepit inuocare nomen DOMINI (publico scilicet ritu.) Ibidem versiculo vigesimo sexto. Noe obtulit holocausta, Genesis octauo, versiculo vigesimo. Melchisedech panem & vinum, Genesis decimo quarto, versiculo decimo octauo. Sed satis multa sacerdotii præconia allata sunt.

§. Igitur ob præcellentissimam clericalis ordinis, & maxime sacerdotalis dignitatē & amplitudinē, eximiā etiam & singularem in Clericis probitatem & sanctitudinem desiderat Apostolus. Sanctus Ambrosius de dignitate

Publicum &
priuatum crē
men vitan-
dum.

gnitate sacerdotali capite tertio. Nihil excellentius in hoc seculo sacerdotibus; si nomen congruat actioni, & actio respondeat nomini; ne sit nomen inane, & crimen immane, ne sit honor sublimis, & vita deformis, & cetera. Sanctus Isidorus Pelusiota libro secundo, epistola 205. Tantum inter sacerdotem, & quemlibet primum virum interesse debet, quantum inter celum & terram discriminis est. Scit enim Sanctus Bernardus libro secundo, de considerat. capite septimo. Monstruosus, gradus summus, & animus infimus: sedes prima, & vita ima: lingua magniloqua, & manus otiosa: sermo multus, & fructus nullus: vultus gravis, & actus levis: ingens auctoritas, & nutans stabilitas. Et Sanctus Ambrosius libro decimo, epist. 32. Quid, ait, interesset inter populum & sacerdotem, si iidem astringerentur legibus? Debet preponderare vita sacerdotis, sicut preponderat gratia. De hac igitur Ecclesiasticorum integritate & virtute Apostolorum sequentibus capitibus mandantem audiamus.

CAPVT XIX.

HANC SACERDOTII DIGNITATEM
*suspicientes, & ea se indignos existimantes latebras
 fugamque quaesuerunt, quantumvis sanctissimi,
 doctissimi, ac proinde ad sacerdotii mu-
 nus aptissimi fue-
 rint.*

§. **S**ic Abbas Isaac ne presbyter ordinaretur in Ægyptum fugit, & inter dumeta se abscondit. In vitis Patrum parte secunda. §. vigesimo primo. Angelus ad Sanctum Franciscum missus, cum phiala lucida in manu limpidissimo liquore plena dixit:
 B. Francisc. Vide, FRANCISCUS, quicumque vult fieri Sacerdos,
 & Sacramenta administrare, ita purus esse debet in
 anima;